

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-404/26
Vareš, 24.03.2026.godine

Na osnovu člana 8. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH“, broj:12/2003, 34/2003 i 65/2013), a u vezi sa članom 34. stav 2. i članom 35. stav 2. Zakona o pravobranilaštvu („Službene novine Zeničko-dobojskog kantona“, broj:12/2013) i Odluke o osnivanju Općinskog pravobranilaštva Općine Vareš broj:01-153/23 od 26.06.2023.godine, Općinski načelnik Općine Vareš raspisuje

JAVNI OGLAS

za imenovanje Zamjenika općinskog pravobranioca Općine Vareš

I Naziv pozicije

Zamjenik općinskog pravobranioca Općine Vareš.....1 izvršilac – imenovanje se vrši bez ograničenja trajanja mandata.

II Opis poslova:

Poslovi i zadaci Zamjenika pravobranioca su poslovi i zadaci nosilaca pravobranilačke funkcije i utvrđeni su Zakonom i Pravilnikom o unutrašnjoj organizaciji, radnim odnosima, plaćama i naknadama u Općinskom pravobranilaštvu Vareš i to:

- a) poslovi preduzimanja pravnih radnji radi pravne zaštite imovine i imovinskih interesa pred sudovima i drugim organima, kao i u drugim slučajevima zaštite imovine i imovinskih interesa Općine Vareš (u daljem tekstu:Općina) i njenih organa i tijela koja nemaju svojstvo pravne osobe, a finansiraju se iz budžeta Općine kada je za to ovlašteno zakonom, i imaju položaj stranke u postupku;
- b) poslovi preduzimanja pravnih radnji radi pravne zaštite imovine i imovinskih interesa organa i fondova Općine koji imaju svojstvo pravnog lica, a finansiraju se iz budžeta Općine ili u odnosu na njih Općina vrši osnivačka prava;
- c) poslovi zastupanja organa i pravnih lica iz tačke 1. i 2. ovog člana u svim sudskim i upravnim postupcima;
- d) po zahtjevu mjesne zajednice u ime Općine umiješati se u određeni imovinsko-pravni spor na strani mjesne zajednice;
- e) preduzimanje pravnih radnji i pravnih sredstava radi zaštite vlasništva i interesa Općine pred sudovima i drugim nadležnim organima, kao i u drugim slučajevima zaštite vlasništva Općine, kada je na to ovlašten zakonom;
- f) davanje pravnih mišljenja prije zaključivanja ugovora imovinsko-pravnog karaktera;
- g) kontrole zakonitosti zaključenih ugovora imovinsko-pravnog karaktera i ugovora o otkupu stanova;

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba

- h) davanje pravnih mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima u vlasništvu Općine;
- i) davanje mišljenja Općinskom vijeću Općine u postupku raspolaganja gradskog građevinskog zemljišta;
- j) u zastupanju pred sudovima i drugim organima zamjenik Pravobranioca ima ovlaštenja Općinskog pravobranioca i
- k) obavljanje i drugih poslova i zadataka iz nadležnosti Pravobranilaštva utvrđenih zakonom i drugim pravnim propisima.

Kandidati za imenovanje na poziciju Zamjenika općinskog pravobranioca trebaju ispunjavati sljedeće uslove:

III Opći uslovi

- a) da je državljanin Bosne i Hercegovine;
- b) da je stariji od 18 godina;
- c) da je zdravstveno sposoban za obavljanje dužnosti za koju se kandiduje;
- d) da u posljednje tri godine od dana objavljivanja Javnog oglasa nije otpušten iz organa državne službe kao rezultat disciplinske mjere na bilo kojem nivou vlasti u Bosni i Hercegovini;
- e) da nije obuhvaćen odredbom člana IX stav 1. Ustava Bosne i Hercegovine;
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj:70/2008), da ne obavlja ni jednu drugu javnu ili profesionalnu dužnost, da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH, broj:34/2003 i 65/2013);
- g) da ne vrši službu ili posao koji bi mogao uticati na njegovu samostalnost, nezavisnost ili posao koji je inače nespojiv za obavljanje službe pravobranioca.

IV Posebni uslovi

- a) VSS,VII stepen stručne spreme, diplomu visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja – pravne struke;
- b) da ima položen pravosudni ispit;
- c) da ima iskustvo u radu na imovinsko-pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim osobama u trajanju od najmanje tri (3) godine nakon položenog pravosudnog ispita, te da posjeduje najviše moralne osobine za obavljanje poslova pravobranioca;
- d) poznavanje rada na računaru.

V Potrebna dokumentacija

Uz prijavu na Javni oglas kandidati su dužni priložiti original ili ovjerenu fotokopiju sljedećih dokumenata:

- a) kraću biografiju, adresu i kontakt telefona svojeručno potpisanu;
- b) izvod iz matične knjige rođenih;
- c) uvjerenje o državljanstvu (ne starije od šest mjeseci);
- d) diplomu o završenoj VSS, pravnog smjera, ako je stečena na Pravnom fakultetu u drugoj državi potrebno je dostaviti i ovjerenu nostrifikaciju izuzev ako je diploma stečena prije 6.aprila 1992.godine u bivšoj Jugoslaviji;
- e) uvjerenje o položenom pravosudnom ispitu;
- f) uvjerenje ili potvrdu o radnom iskustvu s tačno naznačenim i opisanim poslovima na kojima je kandidat radio nakon položenog pravosudnog ispita;
- g) dokaz o poznavanju rada na računaru;
- h) ovjerenu izjave o ispunjavanju općih uslova iz tačke III podtačke d), e), f) i g).
- i) potpisanu izjavu kojom daju saglasnost za prikupljanje i obradu ličnih podataka u skladu sa Zakonom o zaštiti ličnih podataka BiH

Kandidati koji se nađu na listi za uži izbor sa kojima će se obaviti intervju, dužni su dostaviti uvjerenje da se protiv kandidata ne vodi krivični postupak (ne starije od tri mjeseca).

Po završetku izborne procedure, imenovani kandidat dužan je dostaviti ljekarsko uvjerenje o zdravstvenoj i radnoj sposobnosti (ne starije od tri mjeseca) i uvjerenje o neosuđivanosti za krivična djela (ne starije od tri mjeseca), prije preuzimanja dužnosti Zamjenika općinskog pravobranioca.

Odluku o imenovanju Zamjenika općinskog pravobranioca donosi Općinsko vijeće.

VI Podnošenje prijava

Javni oglas objavit će se u „Službenim novinama Federacije BiH“, u dnevnim novinama „Dnevni avaz“, „Oslobođenje“ i na službenoj web stranici Općine Vareš.

Rok za dostavljanje prijava je 15 (petnaest) dana od dana objavljivanja posljednje objave Javnog oglasa.

Nepotpune i neblagovremene prijave neće se razmatrati.

Prijave sa svim traženim dokumentima podnose se u zatvorenoj koverti lično na protokol u šalter Sali Općine Vareš, putem pošte – preporučeno, sa naznakom „Prijava za javni oglas za imenovanje Zamjenika općinskog pravobranioca u Općinskom pravobranilaštvu Općine Vareš – NE OTVARATI“, na adresu:

OPĆINA VAREŠ
71 330 VAREŠ
ulica Zvijezda 34.

Na poledini koverta treba navesti ime i prezime podnosioca prijave, njegovu adresu i kontakt telefon.



OPĆINSKI NAČELNIK

Malik Rizvanović